



Shkolla Mileniumi i Tretë
+383 38 244 258 | Rr. Sokol Sopi 107, Pristina, Kosovo
www.mileniumi3.net | info@mileniumi3.net

Shkolla jopublike "Mileniumi i Tretë"
Prishtinë

INFORMATË

për kandidatët e paraqitur në konkursin e Shkollës "Mileniumi i Tretë"

1. Kush është "Mileniumi i Tretë"?

Shkolla "Mileniumi i Tretë" është themeluar nga Qendra për Arsim e Kosovës si shkollë jopublike e nivelit fillor dhe të mesëm të ulët (klasat 1-9). Shkolla ka filluar punën në vitin shkollor 2004/05 dhe është licencuar nga Ministria e Arsimit, e Shkencës dhe e Teknologjisë (MASHT), për një vit, për pesë vjet dhe së fundi me licencë të përhershme. Nga viti 2009 Shkolla ka zgjeruar veprimtarinë e saj edhe me hapjen e gjimnazit dy-drejtimesh: Shkenca natyrore dhe Shkenca shoqërore, klasa 10-12, me qëllim që nxënësve të saj t'u ofrojë mundësinë e vazhimit të shkollimit me standardet bashkëkohore të të nxënësve.

Këtë vit Shkolla mbush 22 vjet të funksionimit të saj, me rritje të vazhdueshme dhe kërkesa të tejshtuara për regjistrim të nxënësve në shkollën tonë.

Shkolla "Mileniumi i Tretë" punon me plane dhe me programe të avancuara të Ministrisë së Arsimit, të Shkencës dhe të Teknologjisë, duke shfrytëzuar çdo mundësi për qasje inovative.

Mësimi në klasat e ulëta zhvillohet sipas metodologjisë së mirënjohur "Hap pas Hapi", ndërsa mësimi me fëmijët e moshës 11-18 vjeçare zhvillohet me metoda bashkëkohore të mësimdhënies, përfshirë teknikat e programit me reputacion ndërkombëtar "Mendimi kritik gjatë leximit dhe shkrimit", mësimin problemor, mësimin me anë të projekteve, etj. Nxënësit kalojnë në shkollë 6-8 orë, varësisht nga mosha dhe nevojat individuale, duke kryer pjesën më të madhe të obligimeve të tyre gjatë këtij orari. Për këtë qëllim është ndërtuar një sistem logjistik, i cili përfshin organizimin e transportit, një orar jo konvencional të mësimi, ofrimin e mundësive për aktivitete jashtëmësimore, etj.

Meqenëse objektiv i Shkollës është përparimi maksimal i nxënësve në secilën lëndë mësimore gjithnjë aplikohen inovacione në fushat e të nxënësve. Mësimi i Gjuhës angleze dhe i Gjuhës gjermane bëhen sipas niveleve të dijes me 5 orë respektivisht 2 orë mësimi në javë, kurse për nxënësit e përparuar, Shkolla organizon kurse të programeve TOEFL dhe Post Advanced.

Shkolla punëson mësimdhënës të kualifikuar, të cilët tregojnë prirje të veçantë për aplikimin e risive në procesin mësimor. Për mësimdhënësit përgatitet një program i zhvillimit të vazhdueshëm profesional dhe iu ofrohet asistencë e vazhdueshme teknike në fushën e didaktikës, vlerësimit, avancimit të shkathtësive teknologjike, planifikimit të aktiviteteve kurrikulare dhe ekstra-kurrikulare, etj. Kjo asistencë teknike nënkupton angazhimin e kohëpaskohshëm të ekspertëve, të cilët punojnë me mësimdhënësit në avancimin e punës së tyre.

Në vitin shkollor 2025/26 Shkolla ka rreth 1050 nxënës dhe 139 të punësuar.

2. Kush është themeluesi?

Qendra për Arsim e Kosovës është organizatë lokale jo-qeveritare dhe jopërfituese e themeluar nga Fondacioni "Soros" në vitin 2000 duke u përqendruar në ofrimin e programeve të trajnimit të mësimdhënësve në shërbim. Trajnimet ende mbesin një aspekt i rëndësishëm i veprimtarisë së KEC, por, në kohë, organizata ka zgjeruar fushën e punës në katër fusha kyçe: 1) Përmirësimi i cilësisë së arsimit, 2) të drejtat e njeriut; 3) Rrjetëzimi dhe pjesëmarrja në politikëbërje, dhe 4) Hulumtimet në fushën e arsimit. KEC ka një gamë të gjerë partnerësh vendorë dhe ndërkombëtarë që përbëhen nga organizatat joqeveritare, kompanitë konsulente, agjencitë zhvillimore dhe institucionet shtetërore.

Të arriturat kryesore të KEC në periudhën e deritashme janë:

- Zhvillimi i 75 programeve të trajnimit për metodologji bashkëkohore të mësimdhënies dhe të vlerësimit, si dhe për udhëheqje efektive në arsim, në planifikim, të drejtat e fëmijës etj;
- Trajnimi i mbi 30,000 mësimdhënësve dhe administratorëve të të gjitha niveleve të arsimit;
- Publikimi i mbi 100 titujve nga fusha e arsimit dhe i një numri të madh studimesh;
- Përmirësimi i pjesëmarrjes së fëmijëve nga grupet vulnerabël në të gjitha nivelet e sistemit arsimor;
- Kryerja e një numri të madh të hulumtimeve dhe konsulencave në fushën e arsimit.

KEC ka 26 të punësuar me marrëdhënie të përhershme pune dhe mbi 150 bashkëpunëtorë të jashtëm nga Kosova dhe vendet tjera.

Përshkrimi i vendit të punës

Data e hyrjes në fuqi: 29.08.2017

Pozita:

Kuzhinier

Përmbledhje

Kuzhinieri është përgjegjës për përgatitjen e ushqimit, organizimin e punës në kuzhinë dhe kërkesën për furnizim të kuzhinës me përbërësit ushqimorë të nevojshëm.

Kualifikimet

- Përgatitje e lartë, kërkohet të paktën niveli i shkollimit adekuat ose përvojë pesëvjeçare e fushës së vet profesionale;
- Të paktën 3 vjet përvojë pune në përgatitjen e ushqimit në restorante;
- Njohje e shkëlqyeshme e aspekteve të gastronomisë;
- Aftësi të shkëlqyeshme komunikimi.

Aftësitë tjera

- Aftësi të shkëlqyeshme organizative dhe planifikuese të përgatitjes së ushqimit;
- Aftësi për të punuar nën presion, dhe në zgjidhjen e problemeve që lidhen me fushëveprimin e vet;
- Aftësi për të bërë llogaritjet e nevojshme për sasinë e nevojshme të ushqimeve;
- Vetiniciativë për ide të ndryshimeve pozitive në llojet e ushqimeve të restorantit.

Detyrat

Në pajtim me nenin 2.18 a. të Statutit të Shkollës dhe me autorizimet e dhëna nga drejtori i Shkollës punonjësi merr mbi vete ose ndihmon në kryerjen e detyrave vijuese:

- Është përgjegjës për të gjitha punët në kuzhinë, që kanë të bëjnë me përgatitjen e ushqimit;
- Siguron të gjitha llojet e ushqimit që kërkohen nga ai në pajtim me meny-në e përcaktuar dhe sugjerimet e mbikëqyrësit;
- Cakton obligimet e punëtorëve në kuzhinë gjatë përgatitjes së shujtave të ushqimit;
- Është përgjegjës për cilësinë e ushqimit që përgatitet në kuzhinë;
- Tregon gatishmëri për orar fleksibil në punë sipas nevojës;

- Kryen punë të tjera në pajtim me kualifikimin e vet profesional dhe udhëzimet e punëdhënësit ose mbikëqyrësit.

Lidhjet dhe raportimet

Kuzhinieri i raporton drejtorit të Shkollës ose me urdhrin e tij menaxherit të restorantit.

Orët e punës

Kuzhinieri ka orar të plotë të punës prej 8 orëve në Shkollë duke iu nënshtruar edhe orëve shtesë varësisht prej nevojës dhe kërkesave specifike të procesit të punës.

Kompensimi

Kompensimi i kuzhinierit bëhet konform kontratës së punës dhe mund të ndryshohet apo të modifikohet varësisht prej rezultateve të performancës në punë dhe vendimeve të drejtorit të shkollës.

Përshkrimi i vendit të punës

Data e hyrjes në fuqi: 29.08.2017

Pozita:

Depoist/Mirëmbajtës

Përmbledhje

Depoisti Mirëmbajtësi është përgjegjës për mirëmbajtjen e restorantit dhe hapësirave përreth restorantit, evidentimin e nxënësve që shërbehen në restorant, menaxhimin e depos me furnizime dhe mirëmbajtjen e instalimeve tjera.

Kualifikimet

- Niveli i shkollimit të mesëm ose përvojë njëvjeçare e punës si mirëmbajtës;
- Njohuri për përdorimin e pajisjeve të mirëmbajtjes dhe riparimit;
- Njohuri bazike në përdorimin e teknologjisë së informacionit dhe pakove standarde softuerike, me qëllim të organizimit të punës;

Aftësitë tjera

- Vetiniciativë për punë;
- Aftësi të shkëlqyeshme komunikimi;
- Person i besueshëm;
- Aftësi për të punuar nën presion.

Detyrat

Në pajtim me nenin 2.18 a. të Statutit të Shkollës dhe me autorizimet e dhëna nga drejtori i Shkollës punonjësi merr mbi vete ose ndihmon në kryerjen e detyrave vijuese:

- Përkujdeset për mirëmbajtjen e ujësjellësit, të nxehjes qendrore, të instalimeve elektrike dhe të instalimeve të tjera në restorant;
- Kujdeset për mirëmbajtjen e gjelbërimit të restorantit;
- Evidenton nxënësit në hyrje të restorantit;
- Mban me rregull të gjitha shënimet në librin e të hyrave;
- Është përgjegjës për ruajtjen e materialeve shpenzuese në depo dhe dhënien e tyre nga depoja;
- Kontrollon të gjithë artikujt ushqimorë në depo: sasinë, afatin e qëndrueshmërisë, etj.

Lidhjet dhe raportimet

Depoisti/Mirëmbajtësi i raporton drejtorit të Shkollës ose me urdhrin e tij menaxherit të restorantit.

Orët e punës

Depoisti/Mirëmbajtësi ka orar të plotë të punës prej 8 orëve në Shkollë duke iu nënshtruar edhe orëve shtesë varësisht prej nevojës dhe kërkesave specifike të procesit të punës.

Kompensimi

Kompensimi i Depoistin/Mirëmbajtësin bëhet konform kontratës së punës dhe mund të ndryshohet apo të modifikohet varësisht prej rezultateve të performancës në punë dhe vendimeve të drejtorit të shkollës.

4. Çka mund të presë punëtori i Shkollës "Mileniumi i Tretë"?

- Kontratë deri në njëvjeçare për marrëdhënie pune me mundësi vazhdimi, në varësi nga angazhimi dhe rezultatet në punë. Kontrata e punës hyn në fuqi nga dt. 1 shtator 2025.
- Sigurim shëndetësor.
- Ndihmë të vazhdueshme profesionale për kryerjen e detyrave të punës.
- Insistim të vazhdueshëm për kryerjen e detyrave të punës me cilësi të lartë profesionale dhe me përkushtim.

5. Cila është procedura e mëtutjeshme për aplikim?

Nëse mendoni se i plotësoni kërkesat e vendit të punës, atëherë Ju inkurajojmë ta plotësoni formularin për aplikim (nga web-faqja <http://mileniumi3.net/konkurse> dhe ta dërgoni në e-mail adresën vendepune@mileniumi3.net në formë të dokumentit të bashkëngjitur (attachment) më së voni deri më **14 gusht 2025, në orën 15.00**. Pas këtij afati e-mail adresa do të mbyllet dhe nuk do të jetë i mundur dërgimi i aplikimeve.

Luteni që në këtë fazë **të mos dërgoni asnjë dokumentacion tjetër**, si diploma, certifikata, etj., sepse është e panevojshme.

Kandidatët **e zgjedhur** do të ftohen për testim dhe për intervistë. Me rastin e ardhjes në intervistë, kandidatët e ftuar duhet të sjellin dokumentacionin relevant që dëshmon kualifikimet e tyre.

6. Informatë me rëndësi

KEC dhe Shkolla "Mileniumi i Tretë" udhëheqin një politikë të barazisë në punësim dhe janë të përcaktuar të punësojnë individë të cilët i përgjigjen më së miri kërkesave të vendit të punës.

Luteni që të përmbaheni nga çdo formë e komunikimit me stafin e KEC dhe të shkollës "Mileniumi i Tretë", familjarët dhe miqtë e tyre në lidhje me këtë konkurs.

Do ta konsiderojmë posaçërisht **ofenduese** sugjerimin e ndonjë kandidati nga ndonjë person i tretë jashtë procedurave të konkursit. Të gjithë kandidatët të cilët nuk sillen në pajtim me këto norma do të **skualifikohen** nga procedura e mëtutjeshme e konkursit.